



Broj: 05-036 –357/17
Sarajevo, 24.11.2017. godine

Na osnovu člana 70. stav (1) i stav (3) Zakona o javnim nabavkama Bosne i Hercegovine («Sl.glasnik BiH» br.39/14), člana 70. Zakona o organizaciji organa uprave u F BiH („Sl.novine F BiH“ br. 35/05), nakon provedenog Otvorenog postupka, Direktor Zavoda za izgradnju Kantona Sarajevo, a na osnovu Izvještaja i Preporuke Komisije za javnu nabavku br. 03-033-1376/17 od 22.11.2017. godine **d o n o s i**

O D L U K U

o dodjeli ugovora

1. **Dodjeljuje se** ponuđaču „Institut za geotehniku i geologiju“ Građevinski fakultet u Sarajevu ugovor za „**Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet DRESKOVAČA – Prihvat voda, Općina Vogošća**“ u vrijednosti **14.578,20 KM** sa uključenim PDV-om, obzirom da je u Otvorenom postupku javne nabavke ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
2. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javnog nadmetanja broj: 05-036-308/17 od 11.10.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-89-3-99/17 na portalu javnih nabavki, te obavještenje u „Sl. glasniku BiH“ br. 73/17 od 13.11.2017. godine, za *“Provođenju istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Dreskovača – Prihvat voda, Općina Vogošća”*.

Na osnovu objavljenog Obavještenja putem Otvorenog postupka, tendersku dokumentaciju preuzeli su: „Georad“ d.o.o. Tuzla, Građevinski fakultet Univerziteta u Sarajevu „Institut za geotehniku i geologiju“, „Design & QC“ d.o.o. Sarajevo, i „Winner project“ d.o.o. Sarajevo.

Iz Izvještaja Komisije je vidljivo da se Komisija sastala dana 10.11.2017.godine, radi preuzimanja i otvaranja ponuda za “Provođenju istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Dreskovača – Prihvat voda, Općina Vogošća” koju u su podnijeli ponuđači: „Georad“ d.o.o. Tuzla, Građevinski fakultet Univerziteta u Sarajevu „Institut za geotehniku i geologiju“, „Design & QC“ d.o.o. Sarajevo, i „Winner project“ d.o.o. Sarajevo.

Komisija je otvorila ponude svih ponuđača i iz „Obrasca za cijenu ponude“ i „Obrazca za ponudu“ pročitala ponudenu cijenu ponuda, dok su rokovi izrade usluge, uslovi i način plaćanja bili zadati tenderskom dokumentacijom. U „Zapisnik sa otvaranja ponuda“ unesena je primjedba Komisije citat: „U „Obrascu za cijenu ponude“ ponuđač „Georad“ d.o.o. Tuzla u rubrici popust je napisao iznos 3.185,12 KM, a uvidom u „Izjavu ponuđača“ navedeni iznos je upisan u rubrici PDV-a, a u rubrici popust navedeno je „NE“, završen cirat.





Ostale dokumente na javnom otvaranju ponuda Komisija nije pregledala. Na otvaranje ponuda bio je prisutan predstavnik ponuđača „Winner project“ d.o.o. Sarajevo, koji nije imao primjedbi na postupak otvaranja ponuda.

Komisija se ponovo sastala dana 14.; 15. i 22.11.2017.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

Uvidom u ponudu ponuđača „Georad“ d.o.o. Tuzla Komisija je konstatovala slijedeće:

1. Na stranama 25 i 26 ponude u Prilogu 1 „Obrascu za dostavljanje ponude – Izjava ponuđača“ u koloni „Cijena naše ponude (bez PDV-a)“ je navedeno 18.736,00 KM; u koloni „Popust koji dajemo na cijenu“ je navedeno NE; u koloni „Cijena naše ponude, sa uključenim popustom“ je navedeno 18.736,00 KM; u koloni „PDV na cijenu ponude (sa uračunatim popustom)“ je navedeno 3.185,12 KM; u koloni „Ukupna cijena za ugovor“ je navedeno 21.921,12 KM.
2. Na strani 29 ponude u u Prilogu 2 – „Obrazac za cijenu ponude - usluge“ u koloni „Ukupna cijena bez PDV- a“ je upisano 18.736,00 KM; u koloni „Popust“ upisano je 3.185,12 KM , u koloni „Ukupna cijena sa popustom bez PDV-a“ je navedeno 21.921,12 KM.

Iz naprijed navedenog je evidentno da je ponuđač u Prilogu 2 – „Obrazac za cijenu ponude - usluge“ u koloni za koju je predviđen popust pogrešno postupio, te unio iznos PDV-a, tako da je ukupna cijena sa popustom bez PDV-a veća od ukupne cijene bez PDV-a.

Navedeni prilog nije popunjen u skladu sa tačkom 18. Tenderske dokumentacije „Obrazac za cijenu ponude iz Priloga 2“ koji je sastavni dio tenderske dokumentacije. Obzirom da se radi o grešci koja je učinjena u dijelu ponude kojom se iskazuje cijena ponude i **da se takve greške ne mogu tolerisati** odnosno prihvatiti kao sitne greške koje se mogu ispravljati nakon dostavljanja ponude, jer se **ne radi o grešci koja je „čisto aritmetičke prirode“** odnosno nije došlo do računске greške koja se može ispraviti saglasno odredbama 17. tačka (5) Uputstva za pripremu modela tenderske dokumentacije i ponuda zakona o javnim nabavkama BiH (Službeni glasnik BIH " 39/14), ponuda se smatra neprihvatljivom. Drugčije postupanje , odnosno prihvatanje ponude sa učinjenom greškom u dijelu cijene ponude, **dovelo bi u pitanje regularnost postupka javnih nabavki i jednak tretman prema ostalim ponuđačima.**

Komisija se prilikom ocjene ponude rukovodila i Rješenjem Ureda za razmatranje žalbi br UP2-01-07.1-972-7/15.

Zbog svega gore iznesenog Komisija je zauzela stav da se ponuda ponuđača „Georad“ d.o.o. Tuzla **odbaci** u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14)

- Ponuđač **Građevinski fakultet Univerziteta u Sarajevu „Institut za geotehniku i geologiju“** je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2. 13.3. i 13.4 tenderske dokumentacije i dostavio potrebne dokumente u skladu sa tačkom 14. tenderske dokumentacije, kao i tehnički ispravnu ponudu, pa je ponuda navedenog ponuđača **prihvaćena.**
- Ponuđač **„Design & QC“ d.o.o. Sarajevo** je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2. 13.3. i 13.4 tenderske





dokumentacije i dostavio potrebne dokumente u skladu sa tačkom 14. tenderske dokumentacije, kao i tehnički ispravnu ponudu, pa je ponuda navedenog ponuđača **prihvaćena**.

- Ponuđač „**WINNER PROJECT**“ d.o.o. Sarajevo je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2, 13.3. i 13.4 tenderske dokumentacije i dostavio potrebne dokumente u skladu sa tačkom 14. tenderske dokumentacije, kao i tehnički ispravnu ponudu, pa je ponuda navedenog ponuđača **prihvaćena**.
- Nakon izvršene računске kontrole, utvrđeno je da je ponuda ponuđača **Građevinski fakultet Univerziteta u Sarajevu „Institut za geotehniku i geologiju“** ima računsku grešku, pa je u skladu sa članom 17. Tačka 5. Uputstva za pripremu modela tenderske dokumentacije i ponuda, zatražena saglasnost za ispravku cijene ponude. Ponuđač je u zahtijevanom roku dao svoju saglasnost za ispravku računске greške.
- Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br. 39/14), po kriteriju najniža cijena tehnički zadovoljavajuće ponude sačinila redoslijed prihvaćenih ponuda po osnovu cijena sa PDV-om:

1. „Institut . za geotehniku i geologiju“ GF Sarajevo	14.578,20 KM
2. „WINNER PROJECT“ d.o.o. Sarajevo	17.550,00 KM
3. „Design & QC“ d.o.o. Sarajevo	21.282,30 KM

Komisija je predložila Ugovornom organu i dala Preporuku da se u skladu sa Članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) odijeli ugovor za „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta, lokalitet DRESKOVAČA – Prihvat voda, Općina Vogošća“ ponuđaču „**Institut za geotehniku i geologiju**“- **Građevinski fakultet u Sarajevu** pod rednim brojem 1, obzirom da je u Otvorenom postupku ponudio najnižu cijenu tehnički zadovoljavajuće ponude.

Shodno navedenom Ugovorni organ je prihvatio preporuku komisije i donio Odluku kao u dispozitivu.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o dodjeli ugovora. Žalba se podnosi u najmanje 3 (tri) primjerka.

Naknada za pokretanje žalbenog postupka iznosi 500,00 KM i podnosi se Uredu za razmatranje žalbi, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog: Zapisnik o ocjeni ponuda

DOSTAVITI:

1. „Institut za geotehniku i geologiju“ GF Sarajevo
2. „Winner Project“ d.o.o. Sarajevo
3. „Design & QC“ d.o.o. Sarajevo
4. „GEORAD“ d.o.o. Tuzla



DIREKTOR:

Ljiljana Pelidija, dipl.ing.građ.

